

山齋集
二冊

齊民要術
PDG

鄭山齋先生文集卷之二

莆田山齋鄭

曾孫 炫

七言古詩

畫馬行

房星耿耿明碧落神駿墜地走沙漠天閒秣飼
列奚官逸氣俛就青絲絡古來神駿豈易畜遺
貌至今動人目碑兀爭看骨格奇人聞萬馬徒
多肉汗血染成五色紋碧蹄高踏秋空雲漠漠

嘶鳴神彩溢此圖疑出曹將軍渥洼異產今寂
寞世無伯樂何由識但收遺骨破千金不用按
圖遠相索

題菜

東風一夜吹霖霖園丁掉鋤土膏沃嘉蔬百種
葉抽齊甕牖寒窺一畦綠朝來擷芣小鎗鳴山
館無殽聊餉客青作寒菹玉糝羹呼酒高歌還
鼓腹貴游之子飫羶葷嗜口齟舌咽不得豈知
口腹終累人一飯萬錢嗟未足烹熬珍異傷胃

形山中此味苦無毒君不見志士從來甘淡泊
人間萬事由此作

壬戌九月十八日白湖鎮遇風舟之甚賦

此紀事

時承委南都公事就送
老母還莆

陽遽下接白湖鎮十里舟行惟一瞬狂飈奄忽
自西來波浪簸空天地震我舟蕩漾載浮沉須
臾舵折難復進百尺巨桅忽中斷舟人惶擾爭
奔遁抱扶老母附岼登雨注泥深風益勁回頭
試盼左右舟漂沒中流魚腹殉白湖巡官忽馳

至肩輿羸馬聊借乘前村茅屋漁父家掃地焚
香候門徑問閭老稚訝官至奔走邏拜重相慶
細燒楮札燎衣巾炊黍蒸藜頗充饑雨聲淅瀝
洒茅簷目睫不交對餘燼大塊噫氣豈適然兀
坐冥搜毛骨振晏起科頭尚徵咎况乃吾生事
多釁操存黷昧鬼先窺舉措乖張人或病攬衣
晨起當空拜悔悟從今當益慎春秋紀惡不紀
祥儆示古今垂大訓

玉泉院對華峰有懷見素大司寇

華峰三面開芙蓉天然秀色浮空中我來坐玩
日當午膚雲忽合雨濛濛南峰隱霧不可見東
西崿立鬱葱蒨懸巖瀑溜垂千條流出亂石如
素練結亭據石出林端極目烟雲渺秦甸雲庄
素老性好奇怪惜未到此一覩之蒼厓千仞意俱
往飄飄拄杖凌空飛象外烟霞諧笑語風前咳
唾成珠璣生平風格狎林藪垂老跼蹐留京師
宿望由來繫朝野屢疏還山未有期使還相見
一撫掌請翁和我華山詩

暮春邀社友遊東山

光至光陰同轉轂今日難將明日卜改歲幾何
忽暮春一夜狂風花漸落東山樵舍巖竇幽十
里青山斜帶郭蒼松偃蹇石峻嶒際海東南盡
一日杖屨乘閒試共登坐聽鳥聲歌伐木蔬盤
草草亦易辦糟床夜注酒初漉家有肥鷄不敢
宰巨觥消引罰頗酷

東巖禱雨題林以永寒谷山水障子

松壇禱雨東巖宿日餐蔬笋斷梁肉我心憚暑

慘不舒獨據蒼崖蔭林木寒翁知我厭氛埃爲
索丹青貽巨幅披圖細玩思杳然偃蹇雙松翳
雲壑中有一叟頽而長琴書瀟灑從二僕蘄州
疏簞疊平蕪短檻高雲聊寓日綸巾羽扇風飄
飄瘦骨清容肖寒谷寒翁寒翁風節奇結芟紉
蘭好奇服歷官中外四十年拂袖歸來書幾麓
豐年妻子尚苦饑况茲亢旱田盡曝稻粱一飽
不自謀猶爲蒼生淚盈掬古來賢達類如此杜
老秋風賦茅屋吾社安可無是翁東野雲龍每

相逐

東湖書院爲吳亞卿獻臣題

大雲山中泉一注東湖先生讀書處先生曾次
迥出塵山中草木皆真趣讀書豈徒事鉛槧匡
時事業於茲具試出緒餘售於人要使蒼生盡
陶鑄平生苦節甘若飴妻子不免於寒饑遇事
直前無顧忌終遭坎坷蹈危機達生委命寧自
悔萬里生還天所遺山中茅屋依然在洞雲江
月與心期湖田荒穢方料理 詔書南下君復

起百年此道亦何心乘流則行坎則止

和吳約中憲副招飲韻

蚤年仕版濫登名世路艱虞頗獵涉倦遊歸臥
故山廬晝閒殘書時一挾韶光冉冉迤相催坐
見春花秋墜葉近來右臂痛莫堪厚擁綈袍施
曲袷故人結社在比鄰匝月清容纔一接小齋
風景自撩人露酒開樽紅映頰慙懃滿酌泛落
英莫遣香風報遊蝶

會盟臺

卽秦趙澠池會處

嬴秦日肆虎狼威約趙西來會澠池相如登壇
奮怒髮呵叱秦王如豎兒一時詐力相傾軋睦
鄰脩好非所宜夾谷之會何委蛇汶陽侵田卒
見歸長平禍胎從此結區區擊缶亦徒爲會盟
有臺今寂寞夕陽蔓草封殘碑

秋水嘆

黃河橫溢縣成渠人家半在水中居水邊漁父
持空網吁嗟無稻復無魚隣居相望隔河泥借
貸無從饑欲死樓船伐鼓晨夜過怒向縣官索

大宋

南湖喬木圖詩

永嘉政衰紛酋虜衣冠避亂入南土
湔滌陋習變儒風邑小曹滕俗鄒魯
云誰奮振爲之先南湖諸老抱遺編
結廬弦誦南山下陶冶歐林諸名賢
流風遺澤詎云斬玉樹芝蘭多異產
吾家一脉分太卿轉徙桃源入蒲坂
坂中族庶衍而昌腴田稷稻充烝嘗
故家門面亦何有綠綠古樹凡千章
先憲當年手自植老榦嵯峨蔽天日

冰霜飽嚼節如鎗孫枝秀出皆徑直畫工描寫
入此圖先輩文字墨未渝篋笥久藏喫蠹鼠上
下殘缺半糊塗小第佑生知愛惜緣舊易新重
粧飾凌晨捧帚掃家堂高掛此圖於素壁先人
手澤存豈多棄置將奈愚騃何窓前感此起遐
念涕泣更下欲滂沱敬拭下方書數語此意根
心難縷縷吾宗衰替理宜復共振先聲時望汝
賦長生篇壽表兄林孟聲

僊溪之水清且長僊溪山中藥草香何僊尋源

昔到此九鯉變化凌空翔山人昔在穀城住素
書不與黃石遇挈家迤邐來此溪日分甘泉飲
一注胃腸經歲忘渴飢肌膚玉雪顏如鑄更汲
溪流煮石髓丹成便爾飛昇去庭階萱莢紀生
年人棗如瓜薦壽筵翩躚鶴馭從空下霞裾絳
節來羣僊從今願祝百千歲眼看滄海復成田
山齋老子時在會酒酣爲賦長生篇

杏林春意歌贈方在淵

學書費絳醫費人坡翁此言意苦真脉經素問

眼未識陰陽表裏何由陳七劑試投違脉理虎
詞恐喝驚人耳俗方幸售責厚酬翦翦逐利活
妻子焚券幾人如宋清偶收寸効浪傳名視癥
洗髓自神術三拆肱后業始精方君家世本業
儒孔顏讀罷讀靈樞丹溪東垣及仲景頗窺堂
奧瘠其腴原病檢方非草草小阮並驅名更早
四方延置不辭勞立起沉疴濟閤天董公種杏
背成林今無其地有其心一腔生意何曾息起
死回生澤物深峰湖落筆為傳寫幅圖把玩春

盈野素翁斫地爲長歌一鄉二妙天所假我生
蒲柳質最微年未及邁氣先衰眼昏足疲齒搖
動時借藥力強支持葛巾幸爾謝世局習靜山
中欲辟穀六經糟粕徒勞神枕中鴻寶得奇術
得奇術能駐顏金丹九還火候足君看他日生
羽翰

賦五老圖壽戴德洋七十七

黃雲紫水祕壽鄉玄鶴隨人化日長飲水餐英
娛晚節結蟠高會薦清觴五人眉髮皆皓白問

兵年華不可得我欲擬之羲皇人羲皇之人無
與敵大袖長衫類阮君羽衣霓裳非僊家嘗聞
渭脩阮者流草衣木食輕王侯修形煉氣老益
固朝烟暮霞頻吞吐咲傲泉石脫塵凡指掌圖
書陳列幾龜策蓮葉有餘伴鶴舞芝田常自得
孝為安宅友為居敬作章程慈作則我懷汝輩
意勤渠欲借此會憑誰語莫謂五老擅奇芳蒲
坂有人還似汝